



Naleraq

# INUIT ATAQATIGIIT INATSISARTUNI



UKA 2021/75  
Mette A-Hammeken, Naleraq aamma IA

**Uunga siunnersuut: Inatsisartut isummerfigisassaattut siunnersuut, Naalakkersuisut peqquneqassasut Angalallutik immikkut suliaqartussanik pilersitseqquullugit, immikkut atuartitsinermut tapersiinermik suliaqartussanik tassani sineriammi atuarfinni ilinniartitsisut aaliangersimasut immikkut atuartitsinerat qaffassarniarlugu.**

**(Inatsisartunut ilaasortaq Nivi Olsen, Demokraatit)**

## Siullermeernera

Aaliangiiffigisassatut siunnersuuteqartumut qujalluta Naleqqamiit imaattumik oqaaseqarfigissavarput.

Naalakkersuisut oqaaseqaataanni oqaatigineqarpoq Ilinniartitaanermik Aqutsisoqarfik nalinginnaasumik immikkut atuartitsineq pillugu pingartumik najukkani ataasiakkaani ingerlaavartumik pikkorissarttsisoqartartoq. Aamma oqaatigineqarpoq Ilinniarfissuarmi immikkut atuartitsinermi ilinniarnermi atuarsimasassat piumasarisat annertusineqartut kiisalu oqaatigineqarpoq Ilinniarfissuarmi specialpædagogikkimi diplomitut ilinniarsinnaaneq pilersinneqarnikuusoq.

Ilanngullugu taaneqarpoq Isumaginninnermik Aqutsisoqarfik immikkut pisariaqartitsisunik isumaginninnermik sulialinnut pikkorissaanernik immikkoortukkuutaanik aamma piginnaasanik nalilersuinernik ingerlataqartartoq. Ilanngullugu taaneqarpoq kommunit PPR/MISI-mut tunngasut tigummassuk, atuarfimmi immikkut atuartitsinermut specialpædagogikkimilu ikiorsiisarnermut akisussaaffik kommuninut 2012-imi nuunneqartoq.



Naleraq

# INUIT ATAQATIGIIT INATSISARTUNI



UKA 2021/75  
Mette A-Hammeken, Naleraq aamma IA

Taamatuttaaq oqaatigineqarpoq Ilinniartitaanermut Aqutsisoqarfíup 2018-imi “Meeqqat atuarfianni immikkut atuartitsisarneq allamik immikkut ittumik perorsaanikkut ikorsiisarneq pillugit ilitsersuut” kommunit suleqatigalugit suliarineqartoq.

Naggataatigut Naalakkersuisut oqarput kommunit tamarmik immikkut atuartitsinerup iluani sunik pisariaqartitsinertik namminneerlutik nalilersussagaat tassani Ilinniartitaanermullu Aqutsisoqarfík Ilinniarfissuarlu suleqatigalugit atuarfimmi immikkut atuartitsinermi piginnaasanik tulluartunik inerisaassallutik.

Taamaalluta Naalakkersuisut siunnersuuteqartumut akissumminni oqaatigisaannut siunnersuuteqartumullu akuersinnginnerannut paasinnilluta Naleqqamiit IA-llu aamma siunnersuummut akuerseqataannginnerput maanna anngupparput.